

仁和縣志卷十

湖廣江陵縣知縣致仕仁和沈朝宣纂著

人物

孝行 附孝女

梁

褚修仁和人遂良遠祖父仲都喜周易天監中歷五經博士修少傳父業喜尺牘辨文章體制武陵王爲揚州引爲宣惠參軍帳內記室性至孝父喪哀毀骨立人謂過禮其後母喪水漿不入口者二十二日氣絕逾時方蘇每一號慟嘔血

仁和縣志卷十

一

若流竟以毀卒

皇明

鄭璧字伯規仁和人世居鹽橋西讀書好古詩文清雅得之家傳事親孝出於天性父歿居喪循禮時方斂鄰不戒火幾延居室璧披髮稽顙籲天號泣身捍父柩若將俱焚天爲反風息火竟得保全人共訝之居喪三年不御酒肉母崔氏沒亦如之父之友陸璘姑蘇人元進士家貧無子父嘗許以葬地父歿後璘亦亡璧購地以葬曰無使先人食言地下翰林張太史益爲鄭孝

子傳璧所著有完軒集藏於家

陳璋字廷章仁和人早游郡庠以歲貢例入太學
天性純孝雖在清寒不遺奉養常覓時鮮進之
父文貴年八十忽癱卧便液數下璋勿離側假
寐以俟父欲興卽扶掖如此者十餘載幸獲賢
淑錢氏知璋孝思恒自分日舅事責夫子當輔
之姑事責婦夫惟倡之姑壽高年雙日昏翳凡
事事不能自將時問所欲而敬進之其所不言
亦默識其意而順應之弘治二年璋游南宮錢
氏躬率諸兒女事事左右姑安焉忘其璋在外

仁和縣志卷十

二

也他日姑疽發背乃脫簪珥醫治中夜焚香哀
籲滌口吮癰尋愈已而腸結危在瞬息錢氏以
指疏之平復明年翁壽九十忽罹疾拭淚語曰
孝哉夫婦何以報德言訖瞑目是時璋窘轉甚
賴錢氏罄奩助給乃克以禮襄事過其門者聞
其晝夜悲號亦爲感動及其葬也璋廬墓三年
形容憔悴錢氏閉戶守貧日勤紡績以支家務
姑繼謝世喪葬如初遠近以孝侈談弘治十二
年有司奏聞 勅加旌表

凌貴字克和仁和人年十二父謝世侍寡母以居

自幼愛親歷久勿替朝夕奉養或力不從心曲處以備每遇時鮮物出甯不應他務先市以供雖稱貸不辭婦性愚直偶戾姑心遂擯置不使傷愛母罹暴疾羣醫罔治則焚香露禱請以身代仍割股煎湯以進乃愈母惑浮屠或乏財以應甯捐衣服以徇座有親識一俟母命爲去甯嘉靖甲辰連歲大歉闔郡人競以黑菽濟饑貴曰此非所以養高年母也曲處精糧以進而已與妻子則不離糲飯歲甲午鄉有識者白其行於邑大夫乃以敦孝表其門越明年卒壽九十

仁和縣志卷十

三

四也貴悲號將不能自存雖家不饒其喪葬勉率乎禮予考貴孝行不出乎孝養之間固不當擬諸曾子之養志若律以家裕而不顧父母之養其過人遠矣

楊泰奴仁和肇元鄉楊得安女天順四年九月閒其母時氏病疫久不愈泰奴割股肉三次煎粥奉救不效後於暮夜剖胸取肝一葉卽時昏撲良久乃醒以衣纏縛瘡口手自和米煎粥奉母隨愈母宿患股膝寒攣亦因食肝平復泰奴時年二十二歲許嫁而猶未行者以家貧母疾故

也父老上其事於邑以及於郡轉聞之 朝請
表其門時雖中阻而文移具有成案闔郡吏民
咸稱孝焉

義夫

皇明

許彬字志學號怡靜世居仁和夾城里擇娶趙氏
生子若女各二彬至四十趙氏病沒遂鰥居念
其內助之賢誓不再室雖幃幕淒涼不御姬妾
於凡出行避平康口絕淫褻席有歌兒舞女若
將浼焉初則人視爲矯久則咸以全義公稱之

仁和縣志卷十

四

嘗讀浮光熊戶卿所爲序及鄉彥徐奇所爲傳
則彬之行實昭然不誣矣予將採摭立傳恐跡
涉偏私仍請當道者簡孚然後載筆壽年八十
有二卒逮今庶孫繁衍其有名鑰者登嘉靖辛
丑進士時以陰德所積云

陳昊字宏夫世居仁和義和里自幼孝諧父母友
翁兄弟出贅於顧幸得賢配雖不日侍舅姑而
愛慕奉養殊爲切至居三年乃生子鑑再二年
顧乃卒人視昊戚容凋悴乃勸之繼昊曰吾幸
有子可嗣宗祀復繼何爲枉傷義耳後客嶺南

父母慮其年壯子單潛爲擇聘吳歸涕哭哀懇
遣歸其視反目室中中道恩絕者何如哉世多
處此不然高堂缺養中饋無資則曰孤弱失恃
家務鞅掌鮮不開幃頓合而禱結之恩皆忘之
矣吳於此數者身皆值之絕不形諸念慮所謂
披抉其綦翳而表示夫雅行豈其人歟且吳姊
妹有適郭氏高氏相繼嫠居而高無所賴乃延
致其高而謹事其郭茲二氏俱老克全節豈非
仁於錫類也耶嘗築室讀書扁曰義濟此之謂
自慊予將摭實立傳懼自專嘗以暴於官以祈
嘉獎以啟迪後人庶有補於世教

仁和縣志卷十

五

甯志緝字質之年二十娶孫氏生二子居十八年
孫氏病歿緝幼游鄉塾粗知倫理稍長出賈德
清市肆以事老父中值家衰全賴孫氏總理以
無失於隣戚交游及其歿也若失良輔不勝痛
悼有談及者輒淚下見者感動方其初歿之時
誓不用醮房有二女年甫十五六色頗美豔孫
存時緝常卻立不近蒞之甚莊茲不幸病亟乘
其尚有覺也乃擇家童可配者配之且約曰無
再入卧內居常多寄德清市肆素無專御凡宴

侍歌姬悉謝不往其隣欲請官司表揚力辭乃已堅守三十八年耳絕浮議茲將採摭入志仍徵諸庶民達諸公府以期不誣庶敢敘而載之

節婦

元

蔣氏淑真平江儒門女也幼悉女則聲不出闔子姓亦罕識其面父母慎擇乃配遲歸於學正陳文舉自慶獲良耦焉公抱奇氣早捷鄉闈教於松從史隱耳元季丁未海寇方鶴皋兵薄郡濠勢熾勿可禦郡長吏率胥史遁去公卧病莫能

仁和縣志卷十

六

逋歎曰吾死已夫而賊侵官舍及寢門欲兵之蔣氏侍公賊望見蔣姿豔覬得之而脫公蔣氏意覺乃出私語嫗錢曰吾從君死無裨陳祀且吾死不足以全吾夫徒死耳賊意在得吾而脫吾君此可給也給而獲脫吾夫以全夫以全祀吾再求一死以全身不尤愈於徒死哉嫗曰計甚善竊恐事不副心蔣氏卒用是計治賊竟以脫夫計其去遠乃俟隙赴水以死嗚呼死生之際難矣死而出於丈夫已難出於婦人尤難出於婦人而能全祀全夫全身則尤難中之難也

古之泣市崩隅則毀聲劈耳刺面則毀形坐臺而溺抱樹而焚則毀生是固勒之金石存之祀典傳之世世無遺矣若蔣氏者萬億人而一人千百世而一見與尋常完身保節者不亦霄壤也哉

皇明

平氏仁和四板隅里何子貴母年十九歸同里何富相處五年富歿遺腹五月貴始生時平氏方二十四歲誓不他適有諷其嫁者平氏厲聲絕之雖寡居善事乃姑養生送死無遺禮而撫育

仁和县志卷十

七

遺孤至於成立冰檠自守四十餘年如一日焉有司以聞洪武間旌表厥門本府教授徐一夔爲之著傳

王氏仁和縣義和里夏思誠妻也歸三年生一子曰榮達九月思誠卒王氏時年二十五惟勤女紅以養舅姑緣貧乏紙工氏乃剪所戴冠易紙俾榮達日臨榻學字卒底成立而舅姑相繼謝世乃鬻居室治喪哀毀之至人所難能婺居四十七年卒洪武十四年司府以聞詔旌表其

門

徐氏仁和縣會保隅徐景文女嫁霍鏞年二十七而寡矢死不違節者三十有五年成化間詔旌表其門南京吏部尙書魏驥爲之著傳

鍾氏蘭芳紹興人年十八歸仁和庠生許敏出自名門素嫻女訓及歸敏善事舅姑睦戚里日與夫居相敬如賓客人已譽其賢敏以歲貢游胄學時有例簡拔人才授南京兵部司務以病致仕未幾卒止遺一女鍾氏時年二十九母慮其無子欲奪其志鍾氏曰夫策名仕版吾復改事他人何顏以立於世母聽焉由是淡薄自居躬

仁和县志卷十

八

親絲枲以度歲華顧養幼女以底長大及笄乃歸指揮王正堅守三十餘年絕無浮議成化年有司上其事詔旌表其門

王氏年二十適右衛所前千戶華榮世居仁和師姑橋南至二十五歲榮故遺子震夫屬纊哀痛幾殞遂矢志孀守至死不變從是素衣蓬首不出戶庭閉門斂跡食淡誦經或遇設宴禮請悉爲避謝妯娌偶爾談乃夫輒墮淚或以可喜事語之絕無笑容供走家奴屏諸戶外不俾男女混淆清白之聲昭揭遠近弘治九年有司覈實

以聞 詔加旌表壽至九十二歲卒

方氏妙壽年十七歸仁和肇元鄉郁惟敬相處十年惟敬病故方氏時方二十七歲生二子長曰昊仲曰昇俱幼方氏于惟敬病瀕畱之時已知不起遂矢志守節罔懷疑貳逮其故也哀毀骨立水漿不入口者數日妯娌慰之泣而不言或有至親過其門者罕見其容詢其家奴則曰深居內室鎮日靜坐服飾粗陋宛如窮嫗杜門避事屏絕僧尼家童有年十三已上者悉置諸閫外不容與女奴相接冰霜三十年並無點污成

仁和縣志卷十

九

化庚子有司勘實奉聞 詔敕旌表其門壽五十七未幾病終

郭氏妙緣仁和聞顯宗之妻世家郭從周之女從周素嚴家教常以女訓內則誨之故郭氏歸聞顯宗也曲盡婦道非止舅姑譽其賢而宗族里閭亦稱其淑年二十六顯宗身故遺有弱子甫週歲後名韶值門戶中衰人竊議曰艱危單薄孰爲養生又何暇於完節時則郭氏有所主外物不撓惟約用振衰撫孤保祚日或不敷取給簪珥逮夫韶之稍長也擇師使事察友使親自

後韶行益精母德之賢彰矣夫自孀居以底白首中閒五十餘年勤苦備嘗寒暑迭受而其冰清玉潔之軀布昭一方正德甲戌年鄉里上其事司府覈實以聞 詔旌表其門過者式焉壽終八十一歲誠所謂榮壽兩得者矣至於今子孫繁衍謂非節婦福德之遺曷以有此

沈氏淑祥仁和人年十九適邑人王毅世居義和坊正統壬戌毅罹疾身故沈氏年甫二十六懷遺腹及期子生名善方是時人竊曰年方青子方赤後來歲月風霜何以禁之其在沈氏乃克

仁和縣志卷十

十

逆存遠慮凡所以遠嫌避疑者惟以潔清自持弗合有所指摘妯娌相傳曰主母深居閨闈聲色兩藏且能屏脂膏斂服飾外童僕遠僧尼謝絕往來割置宴飲惟知保身撫子以光門戶及子稍長乃擇師審友日與周旋不俾淫放上玷祖父後果遵訓不墜家風勤苦七十餘年終身潔白有司具實奏聞 詔旌表厥門卒年逾九鄰百亦曠典也

于氏永壽乃先任應天府尹冕之女實肅愍公謙之孫女也年二十一歲歸原任吏部右給事中

仁和張晟爲繼室自入門恪循婦道不違翁姑先已謝世勿獲朝夕展事然於春秋時祀則篤情修潔焉故鄰戚卜知爲賢淑成化二十一年正月間張晟奉 敕封滿刺加國王行抵江西贛州旅邸忽疽發於背不旬日身故輿櫬以歸其時于氏方二十六歲聞喪號慟嘔血欲殞父母苦辭勸釋且諭之曰汝有遺腹卽幸而生子宗祀攸懸若欲自盡其遺孤委誰乳養于氏聞言心悟從是不復言死他日嘗自省曰吾祖忠臣吾父正臣吾夫直臣咸爲海內所知吾守萬

仁和縣志卷十

十一

一不蠲不有玷於三君子矣乎由是脂粉不施華麗不服膏粱不食閨闈不踰一以撫育遺孤文俊爲事逮長擇師訓誨遣游郡庠期以不墜家聲已而鄉曲飮聞堅貞且厯四十二年寒暑嘉靖三年諸耆識謂此可以激勸天下感化後世乃備疏其貞節於有司反覆覈實不誣尋登聞於 朝旌表其門時壽六十八矣

俞氏仁和縣平安坊人嫁爲里人單祐妻生一子未睟而祐亡時俞氏年方二十一歲矢志不二勤約治家孝養舅姑撫鞠幼子以底成立舅姑

壽終葬祭以禮堅貞之志終始不移有司上其事未報而俞氏卒雖旌表之事中阻而有司具有成案鄉邦稱其孝者無閒言

陳氏仁和義和坊陳良能之女前南康知府陳敏政之孫女也素嫺閨訓德性幽閒年十八適本坊民人高璠自入門恪敦婦道弘治辛酉六月陳氏二十九歲璠病心疼一時身故陳氏懷孕六月逮九月生遺腹子應麟自此深居斂跡持苦服勤親識過其門者未嘗竊聞其聲亦無由窺其顏貌惟知撫養遺孤以期成立保全雅操志潔冰清四十二年之間並無可議見今七十一歲人皆仰其壽節嘉靖二十二年事聞有司上達當道累經閱實特行加獎

仁 and 縣志卷十

十一

張氏玉貞仁和人年十九歸府庠生周顯成化十七年顯故張氏悲號痛泣幾不欲生素嫺節義矢志不移時則顯有親妹淑清年方十五尙爲處女哀嫂無子形影相弔奈何天長地久情所難堪願自伴嫂終身誓無二意由是起居食息時與周旋嫂有戚容姑爲撫慰姑有微疾嫂爲調攝居常專事女紅以消歲月足跡止於中庭

而往來親族初不識其聲音笑貌何如也嘉靖
丁亥嫂年七十七歲姑年七十四歲半歲之間
相繼謝世冰清玉潔之名昭布遐邇嘉靖十六
年間重其節者白其事於觀風徵無別議乃以
雙節表其里門仍立貞石於墓旁以垂不朽

黃氏淑貞錢塘縣柵外二圖黃林次女婚媾不偶
至二十四歲始適仁和肇元鄉郁時爲繼室自
幼賦性貞誠簡默自歸郁守婦道翁姑私相慶
幸正德十三年夫患痞疾累醫勿痊黃氏晝夜
憂勤奔走無計衣不去體飲食俱損親執湯藥

仁和縣志卷十

三

自侍如父夜則焚香告天願以身代奈何畱至
是年八月身故黃氏哀號悲痛幾不欲存年方
二十有八自喪葬後布衣蓬首斂跡避人惟知
奮力蠶桑勤身紡績務期家業如常免遭人笑
前婦遺有二孤長者名偉次者名瑠瑠甫週歲
赤立傴僂黃氏撫育慇懃愈于已出及其稍長
擇師訓誨遣游邑庠至今咸免家食黃氏壽年
六十餘矣里鄰其實舉呈黃氏以家貧固辭不
願守土者謂爲可嘉獎以貞節表其門云

徐氏淑芳杭之江干人幼通列女傳局方書稍長

達家政嫻禮度仁和義官郎榮喪偶素聞其賢而娶之是生瑛五歲而寡族人有瞰其家資者斂瑛以死藥醫治之徐忍不泣亦不究誰何或以白金百兩還致其夫柩卽亡去徐亦置不聞先有二桀壻及養子罷粟官悉懷覬覦互相雄長徐善處之內外帖然瑛稍長二壻皆引退養子亦死門堂肅清賓客雍睦徐所以得全其節保其子而卒能使有今日者豈倖致哉徐二十九而嫠於今餘三十年矣冰胸霜操彌久彌光鄉黨同聲賢之嘉靖甲申杭有司承

仁 and 縣志卷十

古

聖天子明命訪諸民間義夫節婦孝子順孫庠士以徐氏薦乃閱實其事表曰貞節

洪氏淑蘭仁和民洪成女年十八適太平鄉民沈厚爲繼室弘治十一年也越明年六月內厚以疾故李氏淑秀亦仁和民李貴女弘治十三年女方十四適厚弟沈玉越二年正月內玉亦病故厚遺一子後名沈昌乃先妻張氏所出當是時方二歲家窘難支子弱無何洪氏相繼娶居人竊議曰日淺情疎身孤子幼何以卒歲豈期二氏合志同盟期於完節乃謝絕往來屏除脂

粉甯甘凍餒不惜勤勞曲事翁姑惟恐有缺撫養孤兒若已生務在撐持衰戶振作家聲逮後昌漸長成爲擇賢配基業視昔有加匪二母顧養輔成焉能如此嘉靖十九年洪年六十歲李年五十五歲昌念二母鞠育劬勞訓成恩德況皆清苦一生絕無暇議躬自白官乞恩優禮以伸補報比時當官者猶慮迹涉偏私曲爲覈實以雙節表其門人皆榮之是時洪年六十九歲李年六十四歲過其門者相與歎羨曰節壽兩全世亦鮮矣

仁和縣志卷十

五

陳氏仁和郭景春之妻年十八歸景春相處七年景春謝世陳氏痛哭摧割不欲生賴其姑周氏善慰諭乃忍死承順時年二十五姑察其志日堅于是議立景春之兄子廷祐嗣焉廷祐甫二齡以鞠以教不啻已出甫踰年姑歿陳氏哀而有禮至棄所御玩飾協襄不足姑有女姪曰淑良者陳氏爲收而撫之曰無忘周也夫以婦人而有此是亦天性明淑自然篤於親耳矧其平生莊靜純孝儉勤質素足以作式鄉閭寡居五十二年而雅操烈志儼如一日真可謂賢矣後

觀風者採訪孝節有司徵實具陳特行嘉獎以光其門至嘉靖壬辰八月間病卒壽七十七歲童氏淑芳仁和忠清里翁仁妻自幼沈默端重既歸仁能使舅姑胥慶婦道可占姑歿而嗣之者多難悅而亦悅焉孝可徵矣值家中衰仁屢空童躬親繅絡忘身徇家用俾不給惟此尙彌弗堪而復使仁殂童之遭此不知何如爲情耶況當是時童方二十九歲乃矢志不移專理襄事因屏去簪珥謝絕鉛華惟知撫訓遺孤曰永昌者俾之樹立時或不給仰給兄家一日兄以微

仁和縣志卷十

十六

言挑之童泣訴曰吾所以不卽死者以有翁氏弱子在耳兄何見不及此惑亂我心從是滅跡兄家雖甚乏亦隱忍焉里人聞而賢之欲白于官以請旌典童曰此婦人常事耳奚必徒事虛聲雖其愛子永昌素以克孝得其懽心亦請不許事遂寢他日孫鍾罹疫方危童憂惶失措乃焚香祝天曰此翁氏宗祀寄耳何忍斬之願以垂老身代未幾鍾果獲全童尋卒時則八十有七冰檠孀居者五十餘載嗚呼世道日衰柏舟之風日就於息童一婦人耳乃於艱難危迫之

時能秉節翼子遺厥孫謀卒以勞瘁殞生其賢亦卓矣將來充閭之慶可逆卜於今

倪氏淑祥仁和名醫敏之女年十九適邑人莫聰相處七年聰罹弱疾嘔血不常羣藥罔效倪取其血歡之期以格天夜則焚香露禱奈何病入膏肓日沈一日越明年卒倪氏日夜哀號聞者墮淚其母施氏乃因閒諭之曰爾旣青年況復無子孰與從俗免後噬臍倪氏應曰吾年輕母益以老吾無子猶子且多守爲正也母強之卽赴宅後之池幾死見者趨拯乃免母自此不復

仁和縣志卷十

七

言矣鄰族知其志確乃議取兄之仲子曰雲章者爲嗣倪氏悅焉初志益篤知嫠居者服飾不可華也乃崇樸素知出入非所宜也乃謝親戚知僧尼易招議也乃絕捨施如此者五十七年壽八十五謝世冰壺秋月之操歷久不變累以貧故不願上聞因是不與旌獎

陳氏秀芳祖居仁和夾城里性幽閒高潔嘗讀小學列女傳頗了大義年十八適舊族毛珣始入門數日翁姑胥慶曰得婦如此吾復何憂詎意越二載珣罹弱疾身歿人竊議曰陳年方幼而

且無後其奚可倚而能守也或傳聞焉陳氏乃曰守爲夫也豈以有子無子而貳其志耶何見不及此而有浪議于時弟大列遊邑庠乃以詩寄姊曰但使蒙衾裁耳鼻不愁煮粥燎髭鬚詩未至而姊已題其內屏曰餓死事極小失節事極大其安貞之志匪直翁姑知不可奪雖父母亦聞此而不敢奪矣從是屏鉛華崇布素垂簾養晦滅迹韜形凡有宴請悉謝不往昔之議者改曰不意毛之婦其安貞有如此者他日陳氏竊自念曰吾向以翁姑之存禮勿可去翁姑而

仁和縣志卷十

六

外處今以翁姑之亡亦弗可離親弟而他歸惟其志有定向則無適而非守之之地矣爲是輿歸弟室以資其養焉計其守五十餘年總其壽七十餘歲終身貞孤之操昭布遐邇予尤恐其無徵不信爲是表諸公庭徵諸物議夫然後秉直筆以書

張氏秀英仁和歸錦橋人年十六歸同邑吳以學德性溫存恪盡婦道翁瓚號樂閒以州守謝政家居志存游樂凡酒殽蔬果悉張氏置辦靡不精潔翁雅愛重至二十一歲不幸夫以學死非

其辜哀痛幾殞念有赤子瀾在忍死保身矢志
固守瀾方週歲人皆危之張氏竭立撫摩曲爲
調攝稍長延師授以經學俟壯爲擇潘州同女
惟婉爲婦張氏知瀾學有進益遣游邑庠以圖
光賁不料罹弱疾身故潘氏時二十一歲矣姑
婦相依冰清玉潔姑年五十八歲完節終身婦
自十五歸瀾今五十矣祇承姑志霜雪自持事
母克盡孝道人所難企凡清議及此咸稱爲雙
節云

張氏貴賢新泰司訓張愷之女世居仁和八字橋

仁和縣志卷十

九

自幼聰警常沃聞德義之談年十七歸錢塘潘
鏗居三年鏗客死嶺南張氏方二十子女不存
家遭回祿艱苦難支乃斷髮自守躬養舅姑詎
料天不愍遺舅姑繼歿尋割匳具以周喪葬已
而父母憐其無恃挈載以歸不數年隨父官新
泰秩滿請休復隨旋風興夜寤不廢紉針蓋藉
是以資服用當時巨族有求以續室者伊母惑
之欲奪其志張氏曰王蠋有言列女不更二夫
吾獨非若女耶事遂寢父竊慮曰賴吾常存守
易易耳否則難乎有恆茲幸有孫方在襁褓爾

其鞠養庶可更相爲命張氏從之悉情愛養若已出焉及稍長乃名玉潤延師啟教遺游邑庠卒領鄉薦孀居四十二年如冰如玉鄉邦仰重茲年六十三歲壽節兩全予將採摭入志尙恐人未盡孚必徵諸公府後敢載筆

方氏淑承仁和人年二十適里人胡沂居九年沂以病歿遺男胡彬甫二歲方氏潛自痛泣若將不存妯娌有慰之者曰何自傷若是方氏曰吾不傷吾嫠居傷吾子幼而弱也已而復自解曰天豈使孤弱卒於天而俾胡祀之終於絕耶天

仁 and 縣志卷十

三

其或者使其孤弱者存而吾與之俱存矣今吾且苦志勵守以俟天焉自此深居內閫不與外人接言雖至親探者亦罕識其面居常斂華崇雅飯糗茹蔬以求免飢寒幸而子彬稍長擇師審交不合邪僻是以三十餘年節完子立士林稱爲古烈則夫爲風俗慮者宜特筆以書矧白諸公府徵諸輿論矣乎

梁氏貴祥乃理問梁裕之猶子年十八聘與仁和潘鍾爲室實相國潘璉之婦自所出以及所歸旣聞內訓女則是以善事舅姑不減事父母人

以賢淑稱之于歸七年方二十五歲鍾客死乃姑見其哀毀之深恐其不堪岑寂間以微言慰之且探其內志如何梁氏毅然自與曰縱不爲吾夫與子增輝獨可遺羞於父母翁姑矣乎死而後已由是服必黜華食必從淡屏去脂膏銷融簪珥深居密室謝絕內親三十五年之間冰清月白茲已六十一矣完名高節久著鄉評雖嘗聞諸守土然以貧故尙闕 旌表

王氏淑堅仁和人祖居吳家石橋十九歲歸里人蔣華越三年華以疾故止遺一女赤立每視之

仁和县志卷十

三

輒哀痛不勝涕泗交注妯娌有至厚者乃潛問曰汝終身守乎王氏正色對曰吾勿守吾死何顏以見吾夫於地下妯娌聞而賢之翁雖不學無術而於人倫大義所性固存焉常竊念曰吾之情有所鍾而其死不瞑目者爲其妻若女也於是體其情而勤恤之無俾他有所顧王氏賴有此翁則上有所倚賴有此女則下有所侶及女稍長慎擇所配幸得名族潘子錯以爲之婿則付託得人而王氏爲夫之志願畢矣壽雖止於五十八而其清白之操雖百年猶未斬也予

將摭實記載宜先達諸宰民者以徵諸庶民則庶乎可以信後

方技

皇明

吳恕字如心號蒙齋仁和人精於醫道嘗謂傷寒專門者世推張仲景其著傷寒論旨意幽深非窮理之至者一時莫窺其要乃約爲律賦以發隱復纂指掌圖以開示初學故世之業醫者往往宗之亦有因此而悟其妙者以下醫

葉文齡字德徵號石峰仁和人幼業儒不遂去學

仁和縣志卷十

三

醫覺有悟乃專之謂師無常惟精者從之加以天性穎悟所得自殊嘗以醫驗受知何陳二侍御起送禮部屢試優等例授冠帶供職於聖濟殿 欽委內閣會考居首奏除太醫院吏目甲午 召診保和有功陞御醫忽賜召對被溫旨御書忠愛額於堂庚子再 召對陞院判後因母老乞終養繼患風疾致仕素能察脈投劑所在奏功而名公鉅卿凡罹奇疾者必延以療而賴以回生者非止一二所著有醫學統旨行於

世

宋

僧真慧仁和人畫山水佛像近世佳品翎毛墨竹
有江南氣象 以下畫

葉肖巖仁和人畫人物小景類馬遠專工傳寫宗
法吳道子

徐遠廣仁和人號古巖善畫花鳥師樓觀景定閒
待詔

吳迪字泰之仁和人畫蘭竹水石蕭散可愛望之
宛然號心玉道人

錢光甫字隱之仁和人善畫魚藻小景精妙流動

仁和县志卷十

三

令人耽玩景定閒畫院待詔

謝昇字東暉仁和人善畫花竹尤長美女景定閒
待詔

史顯祖仁和人善畫美女人物宛然如生其青綠
山水富麗可愛端平閒待詔

毛存字性之號勿齋仁和人父伯益坐韓侂胄黨
流嶺表存乃跋涉數千里函父骨歸杭禮葬人
稱爲篤孝善墨竹水石宗楊中齋裴德游諸人
張茂字如松仁和人善山水花鳥甚爲精微小景
更佳光宗朝隸畫院

元

王繹字思善仁和人善寫貌尤長於小像不徒得其形似兼得其神氣

道士王景升仁和人居開元宮善畫道釋人物學王輝李嵩

王蒙字叔明本吳興人趙文敏甥後徙居仁和黃鶴山素善畫山水人物其幽閒蕭散不減文敏風韻

周密字公謹居仁和癸辛街素善畫長於梅竹蘭石清新飄逸尤爲士大夫稱賞每得意處多題

仁和县志卷十

畫

其上

崔彥暉吳興人趙文敏孫隱居仁和鹽橋市張肆賣藥素善篆隸詞賦而畫亦超俗人謂山水人物得趙氏家傳而筆力風致亦一時名器

皇明

戴進字文進號靜菴居仁和安谷坊資性聰警恬淡寡欲自幼喜作畫志欲超邁古人不屑凡近常曰丹青有理舍理而學畫畫之下者也雖兼學諸家而於理之有趣者則從之是以一舉筆而風神氣韻自然出羣善山水人物而翎毛草

木莫不奇中年猶循畫法晚歲縱筆揮灑若有神助得之者珍藏如寶不肯輕售

丁野夫其先回紇人後居仁和畫山水人物宗馬遠夏圭筆法頗肖

朱鈐字正夫號鹿門舊居仁和祖廟巷爲人溫雅博聞幼嗜畫每遇專門委贄師焉及長悟畫理不在乎影響閒於是遨遊江湖歷覽山麓凡遇凌競險怪曲折高深恒加搜索至於雲林雪竹徑草巖花稍有關於景趣者亦凝神默識然於人物多畱心於樵夫釣叟野老山翁是以積習

仁和縣志卷十

五

之久得意忘言每一揮毫妙奪天工其中有最佳者往往長價其氣韻風神追蹤吳戴嘗臨其古畫靡不逼真遂使高眼視之亦莫能辨

沈仕字懋學號青門仁和沈亞卿文進之仲子自幼穎敏嘗事舉子業後憚拘持遂捨去乃恣情詩翰初試筆已警拔或警勸其師專門以成一家仕曰師意爲上師迹爲下奚必專門於是購古名畫朝夕展玩竟覺有得乃援筆揮灑聞人家有藏名畫者務求一觀造次展玩加意於氣韻風神其所以長聲價者多在山水人物而翎

毛草木次之居常得意者多題詠其上惟士夫素厚者購得之而凡夫俗子不敢啟齒以故世不多傳

丁錫字佑之號西塢其先西域人或謂丁野夫之後卜居仁和百福巷南自幼性巧喜爲畫遇紙輒揮似不經意旣成景像人已誇羨初學戴進乃靜庵得意門下後無常師嘗聞諸名筆曰戴靜庵之畫所以擅美於世者爲其集諸家之長也錫故銳意宗之年愈高造愈妙凡經塗抹點綴自有奇趣人尤愛之翎毛花草無不盡善而尤精於山水其得意處人皆稱曰戴靜庵復出其臨模古畫宛然逼真卒莫辨其真僞

釋道

宋

龔大名字若晦仁和人七歲讀書一再過輒成誦紹興閒入洞霄宮以吟詠自適善書符地方有疾疫邪崇書符遣之卽止壽七十一卒

以下羽

元

周元和字謙甫號清溪仁和人初生時有雷殷殷

發地下鄰里驚異年十八游太滌山師沖妙性
純謹作詩無塵俗氣瞑目靜坐終日不倦咸淳
間遷太乙宮與褚璣郭似山爲方外友丙子春
避地山石間後端坐而化

皇明

郁存方號鶴泉仁和臨平山人自幼淵靜簡默有
出塵之志父母察其不喜家人生產遣從通玄
觀法師徐元一爲孫以傳其道蓋元一有道術
能役鬼神呼霹靂回雨暘驅妖祟杭人崇信傳
之一再幸有存方慾寡心虛盡悟其術自元一

仁和縣志卷十

七

觀化後凡遇旱潦司府用鄉士夫薦迎存方致
禱屢獲靈驗而其最顯著者嘉靖己亥及次年
之禱也大爲太府陳希齋公所嘉獎後爲太真
府贊教

智涪不知何許人嘗住持菩提寺永樂初召纂修
永樂大典正統七年召傳戒法一時坐化

緇流

智明月溪其號也族出湯鎮楊氏出家東山壽聖
寺復從南山演福圓照才法師受業深究天台
性學後於東城結菴堅修淨業緇白皈依年七

十二書偈而化建塔曰慧照

德祥號止菴仁和人持戒律書法擅名一時有鐵畫銀鈎之妙詩刻苦高處逼賈島有桐嶼集

佛供四明人出家天童寺後游至仁和梁婆橋東覺圓寺愛其寺僧樸實純雅遂莫居焉自幼持齋情性虛默常端坐習靜行住坐卧未嘗離也嘉靖七年正月二十七日跌坐於沐喚寺僧語曰吾明日逝矣如期果然時年七十七歲

墳墓

葬埋之禮昉於中古時惟取其捨土焉耳自是而

仁和縣志卷十

天

後始有所謂陵有所謂墳而等級分焉勿容混也逮至叔世後有所謂玄室有玄堂有華表有碑碣誌銘以著夫姓名爵位德業文章然必聖如孔子則墓之在泗上者水爲之卻流賢如董仲舒則墓之在長安者人皆起敬下是亦存乎德足垂裕而後可望墓之所遺歷久不廢否則骨未寒而墓已夷止足爲狐狸之穴甚至爲權豪之侵奪徒以取世唾笑而已尙奚足貴哉仁和素號雄邑而賢人君子生死於其間者爭光先後宜乎佳城之鬱鬱也爲是乃志墳墓

先賢墓

晉

丁母墓在艮山門外三十六里丁橋姥山之東近
蘭宅蘭因母亡懷慕之切刻木事之因名墓

青揚荆廣四州刺史陳項墓 在皋亭山

宋

木娘墓在艮山門外華林里蔡塘東里人蔡汝揆
爲虔州府判封朝奉大夫其母沈氏卒時汝揆
尙幼父霖以火化之及汝揆入仕每傷松楸無
地言之輒泣下乃刻木母具衣衾棺槨而葬仍

仁和縣志卷十

三

陳 置贍營田建菴屋命僧守之鄉人呼爲木娘墓

亞父墓在皋亭山亞父姓陳名重生有神異壽百
年而終顯靈其地有禱輒應世傳爲亞父塚

唐

僕射褚公遂良墓在河南陽翟 今鈞州

宋

少宰劉正夫墓在皋亭山

葉文康公墓在湖州金斗山

福王墓在塘棲西南隅未考何名

郭丞相墓在塘棲東南隅未考何名
鍾學士墓在肇元鄉未考何時何名

鄉賢墓

皇明

徵士陳雍墓在獨山

教讀平顯墓在洛山

辰州府知府何公墓在鳳凰山其子侍郎墓附

王學士墓在玉岑山

國子監祭酒晉陵王儵撰誌銘

太常寺少卿鄭公墓在石壁山

禮部侍郎豫章謝夔撰誌銘

廣西參政朱公墓在湖南大慈山

仁和縣志卷十

三

四川按察司僉事王公墓在飲馬橋

郎中鄭厚撰墓表

禮部侍郎汪公墓在南山龍井

湖廣布政司參議周公墓在高麗寺

山東右參政汪公墓在妙因山

少師長沙李東陽撰誌銘

教諭周公墓

通州知州吳公墓在大慈山

湖州按察司知事朱公墓在南山飲馬橋

南京禮部尚書江公墓在妙因山

少傅陳畱劉忠撰誌銘

南京刑部郎中項公墓在艮山門外永福橋

廣西南甯府知府汪公墓在皋亭山

公諱獻字惟賢號自強世籍錢塘登弘治壬戌進士授南京禮部主事轉員外郎以清謹稱陞廣西南甯知府自幼淵靜端莊士類不檢者弗與交游自進士及出仕還鄉恥與諂媚往來其所往來者皆親識故舊凡市井趨附之徒咸知遠避不敢以厚贈結之公府新官初到自倩肩輿一見此外乃絕足焉德宇尊嚴望之起敬及官南甯治尚簡要其所興革必其實有利弊者也存心于扶善鋤惡民多賴之操守清嚴門無遺贈亦不敢以世務請託蒞政二載俗還淳樸凡盜賊被懲而蒙曉諭者相率洗心無復再蹈其養士也常以德義率之後多成就時將三年制當入覲父老扶送者惟恐爲他省所肩及登途旁觀者或計其行李止于數挑不幸中途病故人惜其蒼生無福歷官二載舊業不增幸而有孫元臣以青年早領鄉薦未必非厚德之貽也居雖與鄰而境非本邑例不敢立傳又恐塵沒美行故因其墓而白之

兵部尚書端敏胡公墓在五雲山

大僕卿邵銳撰誌銘

仁和縣志卷十

三

太僕寺卿康僖邵公墓在超山

大司寇蘭谿唐龍撰誌銘

河南按察司僉事江公墓在妙因山

宮保胡世甯撰誌銘

福建興化府同知馬公墓在臨平山

亞中大夫南安知府毛公墓在玉泉山

參政鄒虞撰誌銘

評曰墓在境內者載之可也而其在此無他州在錢塘者亦載之何也此無他州在湖德深而人心不忘一以昭蔭遠而後嗣善守不然何以傳今而啟後哉